

آبونه شمرانطی

ممالک عثمانیه ده سنه لکی (۶۵)، آلتی  
آیلنی (۳۵) غروشدر .  
ممالک اجنبیه ده سنه لکی (۱۷)، آلتی  
آیلنی (۹) فرانقدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

مسلكه موافق آثار مع الممنونیه قبول  
اولنور . درج ایدله یین یازیلرا عاده  
اولونماز .

# سرسریه نامه

سرسریه نامه

اضطارات

رساله مزیدن آلتدیغی کوسترک  
شرطیله بتون یازیلر هر هانکی بر  
غزته طرفندن اقتباس اولونه بیلیر .  
مکتوبلرک ، امضالرک واضح و  
اوقوناقلی اولسی و آبونه صره  
نومروسنی محتوی بولونسی لازمدر  
ممالک اجنبیه ایچون آبونه اولانلرک  
آدرسلرینک فرانسز جده یازلسی  
رجا اولنور .  
پاره کوندردیکی زمان نه یه دائر  
اولدیغنک واضحاً یلدرلسی رجا  
اولنور .

دینی ، فلسفی ، علمی ، ادبی هفته لک مجموعه اسلامیه در .

صاحب و مدیر مسئول

اشرف اربیب

باش محرر

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

راسخه حاله انقلاب ایدن کسه لر کبی، شعور سز اوله رق بایور . بویه برکسه حقنده علماء نفس عقوبتک تخفیفنه می ، یوقسه تضعیفنه می قائل اولورلر ؟

علم النفس اربابنه لایق اولان ، جزایی تشدید وانی صولک مرتبه ایصال ایتک ضرورتی جنایتک ایلک دفعه ارتکاب ایدلدیکی زمان حس ایتک دکلیدر؛ تا که بوصورتله جنایته تصدی اسبابی اساسندن قطع و مجرم بویه برسیئه یی تکریر دوشونجه سندن ابعاد ایدیا سونده بو فضیحه کندیسنده عادت و ملکه راسخه حکمی آلمسون .

اوت اساتذة علم النفسه لایق اولان: جرائم، عادت حکمنه و تأثیر انفسه تبعاً ایقاع ایدیان برملکه حکم و ماهیتی اکتساب ایتدیکی زمان عقوبتک تشدید و تزیییدینه بر فائده اولمدیغنی زمه برابر تسلیم و اعتراف ایتک حقیقتناسلغنی کوسترمک در .

علمای اخلاقه مناسب اولانده شورد: ایلک دفعه بر جرم ایقاع ایدلدیکی زمان عقوبتک تخفیفی مجرمی ارتکاب ایتدیکی جرمی استخفاف ایتک وانک اوزرینه ترتب ایده جک جزایه اهمیت و برملک کبی معکوس بر نتیجه ویره جکنی ، جزادن قورقنامه نکه ده آتیا تکرر جرمک اک مهم سائلرندن بولندیغنی تقدیر و بیان ایتلیدر . بواساس قبول ایدیلجه عجبیا اعتیاد جرم اسباب مشدوده دن اوله بیلیرمی ؟ مدنیتک اک یوکسک مرتبه لرینه ترقی ایتش اولان مختلف اقوام آره سنده موضوع اولان قوانینی تدقیق ایتدیکنمز زمان آره لرنده اوله مبیانتلر بولوروز که بو قانونلرک وضعی خصوصنده نه کبی شیلره استناد ایدلدیکی؛ قواعد عدل و انصافه و مصالح ناسه اوفق اولان اساسانه می، یوقسه هرامتجه کندینه خاص اولان اسبابه می رعایت ایدلدیکی بداهة کوستریور. او اسباب ایسه هرملککنده سرمایه و نفوذ اسبابندن عبارت اولان اشراف و حکامک تعقیب ایتدکری سیاسی غایه لرندن عبارتدرکه پارلمنتولرک، مجالس اعیانک، شورای قوانینک موجودیتنه رغماً ایتلرک عزم و اراده لری اوظایه لرک حصول و تحقق اوکنده بروضه انقیادکار آلفه محکومدر .

عبدالعزیز چاویش

## سیاست شرعیه

۵

مصالح مالیه

« ایلک فصلده بیان ایتدیکنمز اوزره امانات ایکی قسمدر : برنجیمی

مصالح اتمه عائد اماناتدرکه بونلرک ناصیل ادا ایدیله بیله جکنی ایضاح ایتشیدک . شیمدی ایکنجی قسمی سویله جکر . )

اماناتک ایکنجی قسمی مصالح مالیه در . نته کیم جناب حق دیون حقنده « فأن امن بعضکم بعضاً فلیؤد الذی أؤتمن أمانته ولیتق الله به » بویوربورکه مال کریمی « اکر بربریکزه امین اولورسه کزامیت ایدیان کیمسه امانتی تأدییه ایتسون و بوخصوصده ربی اولان اللهدن اتقا ایلسون . » دیمکر .

بوقسمه اعیان ایله دیون خاصه و عامه داخل اولور : ودیعه لری؛ شریکک ، موکلک . مضاربک اموالی ؛ مال یتیمی ، مال وقفی و اماناتی رد کبی . ثمن بیع ، بدل قرض ، صدقات نساء ( قادینلرک مهرلری ) ، اجور منافع و امثالی کبی دیونی ایفا دخی بوراده داخلدر .

جناب حق فرقان حکیمنده « ان الانسان خلق هلوعاً : اذا مسه الشر جزوعاً و اذا مسه الخیر منوعاً ؛ الا المصلین الذین هم علی صلاتهم دائمون و لذین فی اموالهم حق للسائل و المحروم ... ( الی قوله ) و الذین هم لاماناتهم و عهدهم راعون . » بویوربورکه مال منیفی الله اعلم سویله در : « انسان هلوع اوله رق یارادیلشدر : کندیسنه شر اصابت ایدرسه یاغره قوباریر خیره مظهر اولورسه امساک ایدر . آنجق صلاته مداوم اولانلر ایله ماللرنده سائل و بیوایه لره برحق آیرانلر ... ( الی قوله تعالی ) امانت و عهد لرینه رعایتکار اولانلر مستندانلر . » ینه دیکر بر آیت کریمه ده جناب حق بویوربورکه : « انا انزلنا الیک الکتاب بالحق لتتحکم بین الناس بما اراک الله و لا تکن للخاصین خصیماً = بز سکا کرچک بوکتابی انسانلر آره سنده جناب حقت سکا کوستردیکی وجهله حکم ایدسک، دیه کوندردک ، خائنلری مدافعه ده بولونه . »

علیه الصلوة و السلام افندیمزده : « أد الامانة الی من ائتمک و لا تخن من خانک = سکا امنیت کوسترنه امانتی ادا ایت ! سکا خیانت ایدنه سنده خیانت ایتمه ! » بویوربور . بوده ینه او رسول ذیشانک قول عالیسی در : « المؤمن : من امنه المسلمون علی دماهم و اموالهم . و المسلم : من سلم المسلمون من لسانه و یده . و المهاجر : من هجر مانی الله عنه . و المجاهد : من جاهد نفسه فی ذات الله = مؤمن اودرکه : مسلمانلر جانلری ، ماللری خصوصنده اوندن امین اولورلر . مسالم اودرکه : دیلندن و نندن مسلمانلر سالم اولورلر . مهاجر اودرکه : الله تعالیکنه نهی ایتدیکنی ترک ایدر . مجاهده اودرکه : ذات کبری اوغورنده نفسیهله مجاهده ایدر . » بو ، حدیث صحیح در ؛ بر قسمی « صحیحین » ده ، بر قسمی ده ترمذینک « سنن » نده مذکوردر . ینه علیه الصلوة و السلام افندیمز بویوربورکه : « من أخذ اموال الناس

يريد أداها أداها الله عنه . ومن اخذها يريد أنلافها أتلفه الله ( رواه البخاري ) = هر كيم ناسك اموالي ادا ايتك يا له أليس الله او اموالي اونك طرفندن تأديه ايدر . هر كيم اموال ناسي اتلاف ايتك مقصديله أليس الله او آدمي اتلاف ايدر . »

جناب حق حقه موافق بر صورتده آلتان امانتک اداسنی واجب قبلنجه .. غصب ، سرقت ، خیانت و بوقبيل ظلملله آلتان امانتک ده صاحبه اداسنی واجب اوله جنی شبه سزدر . عليه الصلوة و السلام افديمز حجة الوداع خطبه سنده شويله بويور مشلردی : « العارية مؤداة والمنحة مردودة والدين مقضى والزعيم غرام ، ان الله قداعطى كل ذی حق حقه فلا وصية لوارث »

بوقسم امانات هم اولی الامر ، هم رعيه شاملدر . بونلردن هر بری ديكرينه قارشى اداسنی واجب اولانی ادا ايتلدر . كرك صاحب حكومته ، كرك نأبنه واجب اولان : هر صاحب حقتك حقتی ويرمكدر . كرك اموالی ( ويركولرى ) جيسايت ايدن مأمورين حكومته ، كرك اهالى يده واجب اولان : صاحب حكومته ويريللى ايجاب ايدنى تأديه ايتكدر .

رعيه نك ، مستحق اولمدينى برسيئى ولاة اموالدين ، خزينه دن ايسته ميه اصلا حتى يوقدر . رعيه استحقاق اولمدينى برسيئى ايسته ميه بالقارسه شوايت جليله نك ماصدقته داخل اولور : « ومنهم من يلزك في الصدقات فان اعطوا منها رضوا وان لم يعطوا منها اذاهم يسخطون . ولو انهم رضوا ما آتاهم الله ورسوله وقالوا حسبنا الله سيؤتينا الله من فضله ورسوله انا الى الله راغبون . انما الصدقات للفقراء والمساكين والعاميين عليها والمؤلفة قلوبهم وفي الرقاب والغارمين وفي سبيل الله وابن السبيل فريضة من الله والله عليم حكيم . »

كذلك صاحب حكومته ايفاسنى واجب اولان حقوقى - او صاحب حكومت ظالم دخى اولسه - ادا ايتهم ميه رعيه نك حقلرى يوقدر . زيرا عليه الصلوة والسلام افديمز بويله بويور مشلردر . نته كيم حضور سعادتلرنده ولاة امرك ظلمندن بحث اولونجه « أدوا اليهم الذى لهم فان الله سائلهم عما استرعاهم = سز اونلره حقلرى نه ايسه ويريكز . زيرا الله محافظه سنى كنديلرندن طلب ايتديكى شيئى البته اونلره صورده جقدر . « صحيحين » ده ابى هريره رضى الله عنه عايه الصلوة والسلام افديمز دن شويله بر حديث شريف روايت ايدور : « كانت بنو اسرائيل تسوسهم الانبياء كما هلك نبي خلفه نبي . وانه لا نبي بعدى وسيكون خلفاء ويكثرون . قالوا : فما تأمرنا ؟ قل : أوفوا ببيعة الاول فالاول ، ثم أعطوهم حقهم . فان الله سائلهم عما استرعاهم =

بنى اسرائيلك امر سياستى بيغمبرلك الله ايدى . بر بيغمبر وفات ايدنجه ديكرى آكا خلف اولوردى . بندن صوكرا ايسه بيغمبر يوقدر ، خليفه لر اولاجقدر وچوغاله جقدر ... حاضر اولانلر : - او حالده بزه نه ايله امر بويورورسكز ؟ .. ديه صورديلر . رسول ذيشان افديمز بويورديلركه : - صره ايله هيسنه بيعت وحقلرى ادا ايدك . الله محافظه سنى طلب ايتديكى شيئى البته اونلردن صورده جقدر . » يته صحيحينده ابن مسعود رضى الله عنه عليه الصلوة والسلام افديمز دن روايت ايدور : « قال رسول الله صلى الله عليه وسلم : انكم سترون بعدى أمة وأموراً تنكرونها . قالوا : فما تأمرنا يا رسول الله ؟ قال : أدوا اليهم حقهم واسألوا الله حقكم = بندن صوكرا سز استبداد وحق شكندلكله ديكر بكنميه جككز برطاقم احوال كوره جكسكز ! .. بونك اوزرينه - يارسول الله ! او حالده بزه نه امر بويورورسكز ؟ .. ديه صورديلر . عليه الصلوة والسلام افديمز بويورديلركه : - اونلرك ( ولاة امرك ) حقلرى اونلره ويرك ، كندى حقلرى كزى ده الله دن ايسته ييك . »

مصالح ماليه يي اداره ايدنلر ، اموال مسلمينى - اويله بر صاحب ملكك كندى مالنده كى تصرفى كى - كيفلرينه كوره تقسيم ايدمزلر . چونكه اونلر اميندرلر ، نائبدرلر ، وكيلدرلر ، يوقسه مالك دكلدرلر . عليه الصلوة والسلام افديمز بويورورلركه : « انى والله لا اعطى احداً ولا أمنع احداً وانما أنا قاسم أضع حيث أمرت = الله قسم ايدرم كه بن كيمسويه برشى ويرميورم وكيمسه دن برشى منع ايتيورم . آنجق بن تقسيم ايدبيورم وامر اولونديغم يره ويريورم . » بخارى ابى هريره رضى الله عنه دن بونك كى بر حديث شريف روايت ايدبيور .

ايشته رسول رب العالمين خبر ويريورركه : ويرمك ، ياخود وير - مهمك - كندى مالنده متصرف اولان كيمسه نك وديله ديكنه ويروب ديله ديكنه ويرمه ين ملوكك يابدقلى كى - كندى اراده سنه ، كندى اختيارينه تابع دكلدر . كنديسى آنجق اللهمك برقولى در . اونك امريله اموالى تقسيم ايدر ، واللهك امر ايتديكى يره ويرر .

حضرت عمر بن الخطاب رضى الله عنه حضرتلرينه برى كلوب ديمش كه : « يا امير المؤمنين ! اللهمك مالدين بر آرز نفقه كى فضله لشديرسهك نه اولور ؟ . » حضرت عمرده جواباً : « بو ، نه به بكزر بيليرميسك ؟ طبقى سفره چقان برجامتك ، ياره لر بنى طوبى لا يوب كندى انفاق ايتك اوزره بريسه تسليم ايتلرى كى در . بو آدمه او مالدين كنديسنه آيرمق جائز اولورمى ؟ » ديمش .

ينه بردفمه حضرت فاروقه بك چوق خمس مال كتير مشلر . حضرت عمر : « آ كلاشيلور كه جماعت اماناتى بومعتمدلره تماميله تأديه ايتمشلر ... » بويورمش . بونك اوزرينه حاضر وندن بر قسمى : « سن اللهمك امانتى

موضعلرینه وسپرلرینه قدر پوسکوردملکده در . اولکی کیجه آری بروننده صاع جناحدن بر قسم قوتمز دشمنک آوجی سپرلرینه کیره رک بیکه یقین استحکام آلتندن قازمه و کورک اغتنام ایتملر و بورادن دشمنک ارزاق ده بولریله اخراج اسکله لرینی آتش آلتنه آلملر در . دشمنک دوم دوم قورشونلری استعمال ایتدیکی والده ایدیلان تلمسز تلغراف مخبر اتندن یاره لیلریمزک اجتماع محللرینه صورت مخصوصه ده طوچی اتشی اجرا ایلدیکاری تحقق ایتملر .

۲۶ نیشان : چناق قلعه جبهه سنده : دشمن دوتخاسنک بوغازه قارشلی برتشی کورلیور . یالکیز سد البحر جوارنده کی دشمن ، عقیم قالان تعرضلری دون دخی بر چوق تقویه قطعاتی یاردیمله تجدیده نشبت ایدرک بحاربه کیجه یاریسته قدر دوام ایتمش ونتیجه ده عظیم تلفات ایله بینه اخراج محللی جوارینه پوسکوردملشدر .  
۲۷ نیشان : چناق قلعه جبهه سنده آری بروننده دون کیجه دشمنک درت دفعه اجرا ایلدیکی مایوسانه تعرضلری سونکو هجوملرمنزه تمامه ایلدیشدر دشمن ، بوتعرضلرمنده بیوک تلفات ده دوچار اولدی و تخمیناً اوج طاپورلیق قوتی محو ایلدی . کلیمتی مجروحلرینی بوکون اوکلده طوغری پیدرینی کیلرله نقل ایتد . کلاری کورلملشدر . جنوبده سد البحر ده ایسه دوتخاسنک آتشلری یاردیمله دکن ساحلندن یاپدیغی تعرض قطعاتمزک مقابل تعرضلری ایله تأثیرسز بر اقلملشدر .  
۲۸ نیشان : چناق قلعه جبهه سنده دشمنک ده کزدن برتشی اولیور . قره جهتندن دون بیوک تلفاتله عقیم قالان تعرضلری اوزرینه بوکون دشمن جدی بر حرکتده بولنه ماملشدر .

۲۹ نیشان : چناق قلعه جبهه سنده مهم بر حرکت یوقدر . خفیف پیاده و طوچی آتشلری دوام ایدیلور . بر قسم طوچیلریمز آری بروننده دشمن کرلرینی واسکله محللرینی آتش آلتنه آلمش کوچک بردشمن مفرزه سنک بر طوچی آتشمزک تأثیریه اسکله لرینده طوغری پریشان دوکولدیکی کورلملشدر . [ ۴۰ میلا قابل ] انکلیز زره لیدی اولکی کون بوغاز مدخلی جوارنده اناطولی قسمنده کی بطاریه لریمزه تأثیرسز انداختی صره سنده درت مرئی اصابتی اوزرینه کبری چکیلملشدر .

**قافقاسیه :**

۲۵ نیشان : قفقاس جبهه سنده وضعیت عمومی غیر متبدلدر . اولقی استقامتنده دشمنک تعرضلری بیوک ضایعات ویردیریلرک طرد ایلدیشدر . وضعیت مساعد بر صورتده انکشاف ایتکده در .

۲۹ نیشان : قفقاس جبهه سنده اولقی حوالیسندده دشمنک بر قاج کوندر فائق قوتلرله ایلری قطعاتمز اوزرینه اجرا ایلدیکی تعرض تاممیه طرد ایلدیش و مقابل تعرضلریمزله جواره حاکم تهر دشمندن ضبط اولمشدر .

**آذربایجان :**

۲۵ نیشان : آذربایجانده ( دیلان ) حوالیسندده کی مفرزه لریمز ۱۶ و ۱۸ نیشان نده و متباقی کونلرده روسلرله قیصه تعرضلر و باصقینلر باعشلر در . بواصقینلر ده دشمن اهمیتلی ضایعاته دوچار ایلدیش و مفرزه لریمز تربیات عمومی ده داخلنده کی وظیفه لرینه موفقیتله دوام ایتکده بولمشدر .

۲۴ نیشان : آذربایجان داخلنده کی سیار مفرزه لریمز ایله روس قوتلری آراسنده « دیلان » حوارنده اهمیتسز مصادمه لر اولمده در .

تأدیه ایتدیگک ایچون بونلرده امانی سکا تأدیه ایتدیله . ا کرسن امانته خیانت ایدمیدک ، اونلرده اوله یابارلردی . « دیه جواب ویرشلردر . شونیده بیلمک کر کدرکه اولی الامر چارشویه بکزر : اوراده نه کچرسه اوکتیریلیر . حضرت عمر بن عبدالعزیز رضی الله عنه بویه دییور . ا کر اوراده صدق ، بر ، عدل ، امانت رواجده ایسه بالطبع بونلر کتیریلیر . یوق ، ا کر کذب ، فجور ، ظلم ، خیانت رواجده ایسه بونلر کتیریلیر . ولی الامر واجب اولان : مالی حلالندن آلق ، حقیله صرف ایتک ، مستحقندن منع ایتمه مکدر .

حضرت علی بن ابی طالب رضی الله عنه بعض نابلرک ظام ایتدیکی ایشتدیکه : « یاربی ! بن اونلره نه خلقسه ظلم ایتلرینی امر ایتدم ، نه ده سنک حقیکی ترک ایتلرینی . « دیردی .

شیخ الاسلام

ترجمی : عمر رضا

احمد ابن تیمیة الحارانی

**شؤون**

**ائتلاف مثلته قارشلی جهاد اسلام**

**چناق قلعه :**

تیلیفات رسمیه :

۲۳ نیشان : چناق قلعه جبهه سنده دون آری بروننده کی دشمنک صول جناحنه اجرا ایدیلان تعرضده دشمنک بر طاپورلی محو ایلدیش و پک محکم آوجی مترسلرندن بر قسمی ضبط ایدیلرک ایکی یوزدن فضله تفنک ایله برماکنه لی [ مترالیوز ] اغتنام اولوملشدر . کذا دون آقشام « سد البحر » قارشو یابیلان حرکاتده انکلیزلرله پک بیوک تلفات ویردیرلشدر . کلیمتی جبخانه سیله برابر اوج ماکنه لی تفنک [ مترالیوز ] ده اغتنام ایدیلدی . بوکونه قدر اغتنام اولونان ماکنه لی تفنکلرک [ مترالیوز ] عددی اونه بالغ اولمشدر .

۲۴ نیشان : چناق قلعه جبهه سنده : آری بروننده دشمن اسکی وضعیتنده در . جنوبده سد البحر منطقه سنده دشمن ، دون اوکلده دن اول سفائ حریبه جایه سنده تعرض ایتک ایسته دی . محاربه اوکلده دن سوکره کچ وقتده قدر همزده دوام ایتمش وبعده مقابل تعرضلریمز قارشوسنده دشمن تلفات عظیمه ایله اسکی اخراج منطقه سنه پوسکور توملشدر . صول جناحنه بر قسم قوتمز سد البحر اسکله سنه قدر ایلرله مش و فرار ایدن دشمن آرقه سنندن بومبالر باغدیزمشدر .

۲۵ نیشان : چناق قلعه جبهه سنده آری بورنی وسد البحر جوارنده کی دشمن قطعاتی مساعد وضعیت قرآنق هوسیه - وعضاً بلوغ رسمیلرمنده موفقیتله ایلری یورودکارینه بروسیه اشعار اولق اوزره - دائناً کی آتشلری جایه سنده اجرا سنه نشبت ایتکده اولدولری تعرضلر هر دفعه سنده تلفات عظیمه ایله ساحل